

建邑志

建邑於平原曠野非有高山大河之阻何以由
近圻此重城設險爲足恃也由政有地率都鄙
市廛咸受治焉敬天有時爲準蠲爲幣謝藉
表以樹風華橋梁以濟行路治明理幽盡屬
守土之職語云得其人則百事敘入其境而土地
之荒闢民生之聚散可一覽得也志建置

城池

內城

唐武德中築土城周圍三里闢以四門壘以磚堦
上各建樓東曰明暉西曰鎮遠南曰承恩北曰拱
辰成化二年知縣寇源修築撤舊城而重新之高
二丈厚一丈五尺各題門額東曰太平西曰聚仙
南曰德隆北曰歸厚周圍三里五十步檢討莊
爲記宏治十三年知縣徐朝元修築萬曆九年
縣王郇申請重修用銀二百一十兩易築以磚

朝乾隆五十九年知縣章玉輅重修用銀三萬四千

三百七十七兩餘周圍五百三十五丈九尺五寸
墻高一丈八尺頂寬一丈二尺底寬二丈水簸箕
二十六道排墻四堵磚十層礮臺三百六十堵磚
十層海漫一層炮臺四座簷均高一丈八尺城門
八扇俱鐵葉包釘馬道門樓四座東門改曰迎輝
南門改曰延薰西門改曰聚寶北門改曰拱北

外城

明正德六年知縣陳旼創建外城周圍九里高二
丈二尺濶一丈四尺嘉靖二年知縣柯相重修城

垣各設樓櫓四門東曰育物南曰來薰西曰阜民
北曰鎮武萬曆六年知縣朱希召於內城外取土
修築周圍掘民田各五六尺踰年坍塌幾半萬曆
十二年知縣曾一侗修葺始堅崇正四年叛兵攻
陷城堡梁口傾圯大半知縣邢體元顧文光相繼
重修八年知縣原毓宗添外四門塹板砌以磚石
護以鐵葉上覆重簷頗覺偉麗可觀十一年兵變
知縣賈前席專守內城而棄外城外城遂陷塹壁
悉焚十四年土賊吳魁陽弄兵陷外城置縣事

城縣縣丞周明又棄外城賊入蹂躪三日焚燒
廢

池濶丈餘深一尺

按商河平原曠野無高山大川可爲憑藉雖有
重城之設所以爲人民倉庫衛者僅數板之堞
盈丈之壕似未足恃然明正德間流賊之變知
縣陳收竟以孤城抗勁敵免闔邑於荼毒則城
守不綦重乎

公署

縣治

在城內東北隅洪武二年知縣葉安重建其始無
考成化十八年知縣才寬重修宏治元年知縣楊
英增拓其制正廳三間耳房三間抱廈三間後廳
五間左右廂房各五間庫房六間幕廳三間東西
司房二十八間鑾駕庫三間戒銘亭座儀門三
間知縣宅一所縣丞宅二所主簿宅一典史宅
一所吏舍三十間獄一所鐘鼓樓三間申

縣左旌善亭在縣右崇正十五年土寇焚燬

國初順治五年知縣殷克裕抵任假居民舍至七年四月始謀修建八月工竣自大門以至衙舍堂廡悉如舊制乾隆十五六年知縣陳錕捐俸修二堂三堂垣墉櫺角煥然一新擬修大堂遷知州去任大十年知縣李恩書重修嘉慶二十一年知縣王仲澍捐修

典史署

在縣治二門內迤東

按舊制載布政分司署在縣治東南則正統二
年建即舊館驛爲之成化二年知縣才寬增修
萬曆十三年知縣曾一侗捐俸重修

按察分司署在縣治東南知縣才寬卽舊倉改
建萬曆十三年知縣曾一侗捐俸重修

太僕分司在縣南門外迤西萬曆十年知縣王
邵改爲八蜡廟其廟後地給民人居

府館在縣治東按察分司之後萬曆十三年知
縣曾一侗捐俸重修

三各口巡檢司署在城東南六十里

歸化鎮巡檢司署在城東北五十里

高橋驛丞在城東南三十里

商河驛丞在城東北六十里

稅課局在縣治西宏治十三年省

陰陽學舊在縣東後以稅課局爲之

醫學舊在縣治西宏治十一年知縣徐朝元

建於縣南社學之右後合陰陽學爲

儒學司在縣治西南福勝寺以上俱廢

社稷壇

附寺院

社稷壇

在北門外西北隅

舊志明洪武三年知縣蔣安

建久圯隆慶六年知縣越化民修壇垣順治四年

復建

大清會典各省府州縣社稷壇每歲春秋仲月上戊日

致祭用制帛二社稷各一俱黑色祭品羊一豕一

鉶一籩四豆四簋簋各二陳設行禮又載社主

土勾龍氏配稷主穀后稷氏配壇制高三尺方廣

二丈五尺四出陞各三級北向爲前前九丈五尺
後旁各五尺繚以周垣出入以北門有庫房神廟
宰牲房齋宿所等制神牌社一稷一俱以木爲之
高二尺三寸廣四寸五分厚九分趺高四寸五分
硃漆青字各書神號於其上臨祭先期謹設神牌
於壇南正中石主高二尺五寸方一尺去壇南二
尺五寸埋入土中上露圓尖並改望燎爲望瘞供
用矮案乾隆八年奉禮部頒行祭文曰惟

神奠安九土粒食萬邦分五色以表封圻育三農

而蕃稼穡恭承守土肅展明禋時屆仲秋春敬修祀
典庶丸丸松柏鞏磐石於無疆翼翼黍苗佐神倉
於不匱尙饗

國朝定制祔用石主而稷仍用木

風雲雷雨山川壇

在北門外西南隅 舊志明洪武三年知縣葉安
建南郭外後改建北郭外

大清會典各省府州縣風雲雷雨山川之神共一壇設
三神位風雲雷雨居中山川居左城隍居右每歲

春秋仲月用上戊日致祭祭用制帛七風雲雷雨
帛四山川帛二城隍帛一俱白色祭品與社稷壇
同陳設行禮乾隆八年奉禮部頒行祭文曰惟
神贊襄天澤福佑蒼黎佐靈化以流行生成永賴
秉氣機而鼓盪溫肅攸宜磅礴高深長保安貞之
吉憑依鞏固實資捍禦之功幸民俗之殷盈仰神
明之庇護恭修歲祀正值良辰敬潔豆籩祇陳饌
幣尙饗 按明洪武初年頒設壇制令府州縣各
設壇壝壇而不屋風雲雷雨山川壇高二畧五

方廣二丈五尺四出各有陛南陛五級
三級四面各十五丈繚以周垣出入以南門有庫
房神厨宰牲房齋宿所制神牌各一以木爲之高
二尺三寸廣四寸五分厚九分趺高四寸五分磬
漆青字各書神號臨祭設之俱用高案祭日省牲
陳設瘞毛血於坎行迎神奠帛讀祝三獻飲福受
胙徹饌送神望燎等儀

先農壇

在東郭門一里許
正五年知縣薛天玉建

大清會典先農壇其東爲耤田雍正四年欽奉

諭旨通行直省府州縣於該地方擇東郊潔地照九卿所

耕耤田四畝九分之數建壇壇制高二尺五寸寬

二丈五尺正廳三間中奉先農神牌東貯祭器農

具西貯耤田租穀廂屋二間東備祭器西往農民

南向大門一座四面繚垣隨壇田四畝九分耕牛

一隻農具一副自雍正五年爲始每歲仲春亥日

府尹督撫及府州縣等官率所屬之員耆老農夫

恭祭先農之神照九卿耕耤行九推禮其耤田所